



Aningaasanut Nunanullu Allanut Naalakkersuisoq

Aningaasaqarnermut Ataatsimiititaliap tallimangornermi ulloq 24. november 2006-imi aalajangiinera pillugu Naalakkersuisunut ilisimatitsineq - Suliaq nr. 01.31.06/06-00215 (Naalakkersuisut aalajangiinerat ulloq 14. november 2006, imm. 2)

Pineqartoq: KIIP-ip suliassaqarfiini missingersuutinik malitseqartitsineq aamma ilassutitut aningaasaliissutinik qinnuteqaat

Naalakkersuisut **inassutigaaat**,

kontumut pingaarnermut 40.01.01-imut, Kultureqarnermut, Ilinniartitaanermut, Ilisimatusarnermut Ilageeqarnermullu Pisortaqarfik, aningaasaliissutit 1.550.000 kr.-inik qaffanneqassasut

kontumut pingaarnermut 40.12.33-mut, Ilinniartitaanernut ingerlaqqiffiusunut ilinniarsiit, aningaasaliissutit 1.125.000 kr.-inik qaffanneqassasut

kontumut pingaarnermut 40.14.19 Kalaallit Nunaanni TV-kkut radiukkullu aallakaatitanik siammarterineq, aningaasaliissutit 372.000 kr.-inik qaffanneqassasut

kontumut pingaarnermut 40.01.08-mut, Ilinniartitaanermut immikkoortumut pilersaarut, aningaasaliissutit 717.000 kr.-inik appartinneqassasut

kontumut pingaarnermut 40.01.10-mut, Inerisaavik/Pilersuiffik, aningaasaliissutit 900.000 kr.-inik appartinneqassasut

kontumut pingaarnermut 40.01.19-imut, Ineriartortitsineq, aningaasaliissutit 200.000 kr.-inik appartinneqassasut

kontumut pingaarnermut 40.12.24-mut, Ilimmarfik, aningaasaliissutit 275.000 kr.-inik appartinneqassasut

kontumut pingaarnermut 20.11.50-imut, Ingerlatsinerneq sillimmatit, aningaasaliissutit 955.000 kr.-inik appartinneqassasut.

Aningaasaqarnermut Ataatsimiititaliap oqaaseqaatai

2006-imi septemberip naalernerani Kultureqarnermut, Ilinniartitaanermut, Ilisimatusarnermut Ilageeqarnermullu Pisortaqarfiup missingersuutinut malitseqartitsinera tunngavigalugu aningaasaliinissamik qinnuteqaat una nassiunneqarpoq.

Konto pingarneq 40.01.01, Kultureqarnermut, Ilinniartitaanermut, Ilisimatusarnermut Ilageeqarnermullu Pisortaqarfimmu tunngasumi annertunerusumik aningaasaliinissamik pisariaqartitsinerup ilaanut immikkoortuni pisortat pingasut qanoq inissisimaffiunissaat ukiut tallimaata affaanik sivilissusilimmik isumaqatiginninniutigineqarsimaneranik patsiseqartoq qinnuteqaammi allassimavoq. Suliamik sularinnineq taama kigaalaartigisoq akuerineqarsinnaanngilaq! Siunissami isumaqatiginninniarterit pisimasuminngarnit pilertornerujussuarmik naammassineqartarnissaat qulakkeerniarlugu Naalakkersuisut matuma kingorna iliuuseqarnissaat Aningaasaqarnermut Ataatsimiititaliamit naatsorsuutigineqarpoq.

Tamatuma saniatigut konto pingaarnermut 40.12.33-mut, Ilinniartitaanernut ingerlaqqiffiusunut ilinniarsinnut tunngasuni aningaasaliinissamik pisariaqartitsineq

naapertorlugu Aasianni ilinniarnertuunngorniarfimmi aningaasaqarnikkut aqutsineq amigarsimasoq Aningaasaqarnermut Ataatsimiititaliamit paasineqarpoq. Suliama matumani, soorlu Aningaasaqarnermut Ataatsimiititaliap aningaasaliinissamik suliama 06-214-imisut, Ingerlatsiffiit pisortaqaarfiup ataaniittut aningaaliissutinik atuinerisa ingerlaavartumik nakkutilliiviginissaat Kultureqarnermut, Ilinniartitaanermut, Iisimatusarnermut Ilageeqarnermullu Pisortaqaarfiup annertunerusumik qulakkeerniartussaagaa ersarissumik pisariaqartinneqartoq ersersinneqartoq ataatsimiititaliamit isumaqarfigineqarpoq. Missingersuutitigoortutigit ileqqorissaarnissaq pisariaqartinneqartoq ullumikkut Aasianni ilinniarnertuunngorniarfimmi pilersinneqarsimasut Kultureqarnermut, Ilinniartitaanermut, Iisimatusarnermut Ilageeqarnermullu Pisortaqaarfiup nalilermagu ataatsimiititaliamit naammagisimaarinnittaqaartumik paasivaa. Tamanna tunngavigalugu ingerlatsiffimmi pisariaqartitsineramik assingusumik siunissami saqqummersoqaqqinnginnissaa ataatsimiititaliamit naatsorsuutigineqarpoq.

Tamatuma saniatigit TV-kkut radiukkullu nassiussat ilaatigit radiukkut attaveqaatit qaammataasallu aqutugalugit KNR-ip aallakaatitsisarnerani aningaasartuutit qaffariarnerat ilaatigit pissutigalugu konto pingaarnemi 40.14.19-imi, Kalaallit Nunaanni TV-kkut radiukkullu aallakaatitanik siammartinerinermut tunngasumi atuinerunissaq naatsorsuutigineqartoq Aningaasaqarnermut Ataatsimiititaliamit paasineqarpoq. Aallakaatitsinermi aningaasartuutit ilaatigit qaammataasat atornerarnerisigit USDollarinik akilerneqartarmata dollarip akiata qaffariartornera annertunerusumik aningaasaliisoqarnissaanik pisariaqartitsineramik nassataqaartut taaneqarpoq. Paasissutissiineq taanna itisilerneqassasoq Aningaasaqarnermut Ataatsimiititaliamit qinnutigineqassaaq, ataatsimiititaliamiimmi oqaatigineqarsinnaammatt dollarip nalinga 2006-imi martsimili, 2006-imi aningaasanut inatsisip akuersissutigineqarnerata nalaani, naliusoq 628-imit 570-ip missaanut ullumikkut appariarnikummat. Tassunga atatillugu aningaasaq nalimigit aalaakkaanerusoq alla atorlugu akiliuteqartalersinnaanermik periarfissaq suna Naalakkersuisunit isigineqarnersoq ataatsimiititaliamit apeqqutigineqassaaq.

Taamatuttaaq annertunerusumik aningaasaliisoqarnissaanik pisiariaqartitsinerup ilaatigit aningaasalersorneqarnissaanut siunnersuutit suliassat assigiinngitsut 2007-imut kinguartinneqarnerisigit naammagisimaarinnittaqaartumik Aningaasaqarnermut Ataatsimiititaliamit paasineqarpoq. Matumani ilaatigit konto pingaarnemi 40.01.08-imi, Ilinniartitaanermut pilersaarut kiisalu ilinniartitaanerup immikkut ittumik suliniuteqarfineraneranut tunngasumi suliniut M (Ulluunerani paaqqinnittarfinnik nutarterineq) pineqartoq eqqarsaatigalugu atuinikinnerup ilaa kiisalu konto pingaarnemi 40.01.10-mi, Inerisaavik/Pilersuiffimmut tunngasumi atuinikinneruneq ilaatigit tassani atuuppoq. Suliassat pineqartut 2007-imi aningaasanut inatsimmi aningaasatigit killiliussat aalajangerneqarsimasut iluini ingerlanneqarsinnaanissaat, annertunerusumik aningaasaliinissamik pisariaqartitsineq ukiup tullianut kinguartinneqaannaqqunagu Aningaasaqarnermut Ataatsimiititaliamit tunngavissaatinneqarpoq.

Ilassutitut aningaasaliissuteqarnissamik qinnuteqarnerup nalaani kontoni pingaarnemi kalluarneqartuni aningaasaliissutit eqqarsaatigalugit atuinikinnerusoaqarsimaneranik Naalakkersuisut ilisimatitsissuteqarnerat naammagisimaarinnittaqaartumik Aningaasaqarnermut Ataatsimiititaliamit paasineqarpoq. Taama nalunaaruteqarnermi aningaasaliinissamik qinnuteqaat Missingersuusiortarneq pillugu inatsisip § 1, imm. 3-anut naapertuulluurtut Naalakkersuisunit qularnaarneqarsimasoq Aningaasaqarnermut Ataatsimiititaliamit paasineqarpoq. Qularnaveeqqusiinissaq taama ittoq nangaassutitaqanngitsumik tunniunneqarsinnaasimanngikkaluarpat aningaasaliinissamik qinnuteqaammik matumanga Naalakkersuisut iluminni tusarniaanerannut atatillugu pisimasoq taaneqartoq Aningaasaqarnermut Pisortaqaarfimmit peerneqarnissaa piumasarineqarsinnaasoq

ilisimaaralugu tamanna naammagisimaarinnittaqartumik ataatsimiititaliamit tusaatissatut tiguneqarpoq.

Naggasiullugu konto pingaarnermut 20.11.50-imut, Ingerlatsinermut sillimmatinut tunngasumut missingersuutinut ilanngussaq nassiunneqartoq Aningaasaqarnermut Ataatsimiititaliamut nassiunneqarnissaa sioqqullugu atuaqqissaarneqarsimananiluunniit nakkutilliivigineqarsimanngitsoq ersarimmat Aningaasaqarnermut Ataatsimiititaliamit oqaatigineqassaaq. Tamanna tunngavigalugu Aningaasaqarnermut Ataatsimiititaliap atugassai pitsaassutsimikkut qulakkeerneqarsimanissaat Naalakkersuisunut aammaarluni ataatsimiititaliap eqqaasitsissutigissavaa.

Aningaasaqarnermut Ataatsimiititaliap aalajangiinera

Siuliini allanneqartuni innersuussutigineqartutigit Naalakkersuisut inassuteqaataat Aningaasaqarnermut Ataatsimiititaliamit **akuersissutigineqarput**. Ilutigisaanik siuliini apeqqutigineqartunut akissutit kingusinnerpaamik sisamanngornermi ulloq 7. december 2006-imi kalaallisut qallunaatullu tigoreerneqarnissaat ataatsimiititaliamit qinnutigineqarpoq. Taamatuttaaq akissuteqaat qarasaasiakkut uunga nassiunneqassaaq; nch@gh.gl.

Inussiarnersumik inuulluaqqusillunga

Ellen Christoffersen
Aningaasaqarnermut Ataatsimiititaliami siulittaasoq